

Мазкур роман 2008 иили Германияда (Ayhborn Berlin) нашр этилганидан сўнг дастлаб немис, кўп ўтмай жаҳон китобхонлари орасида шуҳрат топди. Женни Эрпенбекнинг бироз олдинрок ёзилган “Чолбола хакида хикоя”, “Лугат” номли романлари хам дунёнинг ўн тўрт тилига таржима этилиб, китобхонлар орасида кўлма-кўл бўлиб кетган эди. Хафиза Кўчкорова дадиллик билан оригинал, яъни немис тилидан таржима килишга кўл урган “Макон истаб” романни Женни Эрпенбек ижоди билан ўзбек китобхонларини таништириш йўлидаги илк уринишидир.

Роман композицияси, сюжети, образлари, воеалар кечадиган макон ва замоннинг поэтик талкини ўзбек китобхонлари учун бир кадар нотаниш, асар улар кўниккан романларга бироз ол ўхшамайди. Аммо шунга карамасдан, асар тўлалигича роман жанри талабларига жавоб беради. Чунки роман воеалари, зохиран сезилмаса хам, ички мантикий структураси жихатидан кўплаб такдир чизикларини, муайян макон-замонда умумлаштириб тасвирлайди. Илгари Германия Демократик Республикаси деб номланган худудда XX асрнинг 30-йилларидан кейинги ўттиз кирк йил ичидаги кечган психологик вазият ромонда ўзига хос тарзда ифода этилади. Асарда ассоциативлик предикетивлик билан синтезлашиб кетган. Романдаги Богбон, архитектор, ёзувчи аёл, бола, киз образлари бир жихатдан аник макон ва замонда такдир хукми билан харакатланаётган шахсларни билдиrsa, бошка жихатдан, менинг тахминимча, рамзий маъно ташийдик, бундай хусусият романнинг миллийлик чегараларини ёриб ўтиб, умумбашарий макомга кўтарила олганидан далолат беради. Романни ўкиган китобхонни ушлаб турадиган, яна ва яна ўкишга жалб этадиган нарса, ўйлашимча, асар фабуласидаги тизимилик, сюжет курилишидаги тугун, воеалар ривожи, кулминация ва ечим сингари бадиий компонентлар эмас, балки тасвирда сезилар-сезилмас харакатланаётган вакт окимиdir. Бир сўз билан айтганда, ёзувчи ўз романини хали жаҳон адабиётида кўрилмаган хронотоп негизига куришга уринади ва бу вазифани тўла уddeлашга эришади.

Роман таркибида келадиган хар бир сарлавха, хар бир абзац, хаттоки хар бир сўз аник бадиий функцияни бажаради. Ёзувчи имкон кадар воеа-ходисалар ва каҳрамонлар харакатини табиий окимида беришга уринади. Асарнинг бирор эпизодида муаллифнинг аралашуви сезилмайди. Бу эса, ўз навбатида, эпик асар, хусусан роман жанри канонларига риоя килинганидан далолат беради. Романнинг муайян ўринларида умумий воееликка сира алокаси йўқдек туюладиган мустакил парчалар келади. Аммо бу парчалар хам юзаки карагандагина мустакил туюлади. Аслида эса бундай парчаларнинг роман бадиий корнцепциясини талкин этишдаги ахамияти бекиёс. Дейлик:

- ...Аргимчок учамизми?
- Кемани ўзинг бемалол бошкара оласанми?
- Биласанми кичкина Даниел дераза токчасига чикиб сиyrди...
- Атроф туман, эшкагим сувга тушиб кетди.
- Менга бўса бер...

тарзида келадиган диологик парчада, ички бөгликлек сезилмаса-да, роман умумструктурасини ташкил этиувчи улкан воееликни ифодалаш вазифаси юкланган. Хуллас, роман катта ажабиёт мезонлари билан тадқик этилса, унга хос кўплаб сир-синоатлар очилади.

Роман таржимаси хакида шуни айтиш мумкинки, аввало, бундай мураккаб асарни оригиналдан дадиллик билан ўзбек тилига таржима килишга жазм этишнинг ўзиёк

таржимоннинг катта ютуги хисобланади. Иккинчидан, немис тили билан ўзбек тили оиласи таркибланиши жихатидан бир кадар йирок, бу эса таржима жараёнида катта кийинчилик тугдиради. Лекин X.Кўчкорова бундай нокулайликлардан кўркмасдан, имкони даражасида асар таржимасини амалга оширган. Учинчидан, Европа, хусусан, немис маданияти ва маънавий-рухий дунёси, тафаккур тарзи шарқ халклариникидан маълум маънода фарқ килади. Таржимон мана шун икки кутб аро умумийлик топиб уларни уйгунлаштира олсагина муваффакиятга эришади. Менимча, X. Кўчкорова бу муаммони хамижобий хал этишга лойик иктидорга эга. Таржиманинг асосий шартларидан яна бири асар муаллифи билан таржимон аро конгениаллик(рухдошлик)нинг бўлишидир. Таржимани ўкиш жараёнида немис ёзувчи аёли Женни Эрпенбек ва ўзбек кизи X.Кўчкороваларнинг ботинан якин эканлари сезилади.

Барча мураккаб ишларни амалга оширишда бўлгани каби X.Кўчкорова таржимасида хам баъзи жузъий камчиликлар кўзга ташланади. Бундай жихатлар жумла тузиш, муайян сўзларни кўллашда мукобилларидан фойдаланиш, роман ритмини ўз меъёрида ушлаб туриш борасида кўзга ташланади. Баъзан немис тилининг ўзига хос мураккаб структурасини ўзбекчага айлантириш машаккати боис, жумла ифодаси ўзбекча жарангламайди. Баъзида эса ўкувчида “ушбу сўз ўрнида мана буниси кўлланса яхши бўларди”, деган иштибоҳ тугилади. Менимча, роман сарлавхаси хам, немис тилида кандай ифода этилганидан катъи назар, асарнинг ички мазмунига мос, шу билан бирга, ўзбекона жаранг касб этса, нур устига аъло нур бўларди.

Хулоса килиб айтганда, мазкур роман таржимаси ўзбек ўкувчилари томонидан яхши кутиб олинишига аминман. Бу асар билан танишиш, бизни жаҳон адабиётига доир янги бир ижод намунасидан викиф этади. Замонавий Европа адабиёти хакидаги тасаввурларимизни бойитади. Худуд ва тил жихатдан йирок бўлса хам, турмуш тарзи, анъаналари, дунёкараши анчайин якин бўлган икки халқ ўртасидаги дўстлик ришталарининг мустахкамланишига хизмат килади. Ушбу роман нашр этилса, ўзбек китобхонлари учун муносиб совга бўлади, деб ўйлайман.

Узок ЖЎРАКУЛОВ,  
филология фанлари номзоди, доцент  
Тошкент, 2010 йил, 20 февраль